

U xookil: 195

Tu k'iinil jueves 4 ti' u wináalil abril tu ja'abil 2024

**U noj mola'ayil INE ku payalt'aantik ti'al u cha'anta'al u máansa'al le yáax debate'o' ti'al le máaxo'ob u k'áato'ob ka yéeyako'ob ti'al u noj jala'achil le k lu'uma', yan u máansa'al ich máasewal t'aano'ob**

- *Beeyxane' yan u yantal jump'éeel chíikulil tu'ux ku máansa'al ichil u t'aanil lenguaje ti' señas mexicana*

Ti' u yáax debate'il ti'al le máaxo'ob u k'áato'ob ka yéeyako'ob ti'al u noj jala'achil le k lu'uma' ku k'aaba'tik "la sociedad que queremos" yan u yúuchul le domingo 7 ti' abril ku taala' las 20:00 hrs (tu yora'il u noj kaajil México), u noj mola'ayil yéeytáambal (INE) ku payalt'aantik kajnáalo'ob ti'al u cha'antiko'ob le meyaja' yéetel u ch'enxikintiko'ob u sut t'aanil ichil máasewal t'aanilo'ob náhuatl, maayat'aan yéetel tsotsil.

Kajnáalo'obe' je'el u páajtal u cha'antiko'ob ikil u yúuchul le je'ela' ti' u sut t'aanil ichil óoxp'éeel máasewal t'aano'ob, ti' u chíikulil Youtube ti' u noj mola'ayil yéeytáambal (INETV) ti' le chíikulilo'oba'.

- **Sut t'aan ichil náhuatl:** <https://www.youtube.com/watch?v=qEiShJQtE6s>.
- **Sut t'aan ichil maayat'aan:** <https://www.youtube.com/watch?v=oVkkK-nq-ow>.
- **Sut t'aan ichil tsotsil:** <https://www.youtube.com/watch?v=bzK1er1Vqj8>.

Ichil u láak' meyaj ti'al u chíimpol'ta'al máako'obe', u noj mola'ayil INE yan xan u máansik le meyajila' ichil u t'aanil Lenguaje ti' Señas Mexicanas, le je'ela' beeta'an ti'al le máaxo'ob koktako'obo' wa ma' tu yu'ubiko'ob juumilo'ob, le meyajila' je'el u páajtal u cha'anta'al ti': [https://www.youtube.com/watch?v=hnnY\\_uBYIYc](https://www.youtube.com/watch?v=hnnY_uBYIYc).

Beeyxane' je'ex ku jets'ik tu chuunilo'ob meyaj ti'al u beeta'al le je'ela' ichil le máaxo'ob u k'áato'ob ka yéeyako'ob ti'al u noj jala'achil le k lu'umila', ken ts'o'okok le je'ela' yan u péektsilta'al ti' u chíikulilo'ob redes sociales yéetel u láak' chíikulilo'obe' yéetel u ts'íibil le ba'ax ku ya'aliko'obo'.

Unaj xan u ya'alale' le yáax debate'a' ku kaxantik u béeykunta'al u táakbesubaj kajnáalo'ob ikil u beeta'al k'áatchi'ob yan u yil yéetel talamilo'ob ku yúuchul ti' jeejeláas xot lu'umilo'obo' ch'a'aba'an tumen INE ti' le redes socialeso', beeyxane' ti'al u péektsilta'al le máaxo'ob u k'áato'ob ka yéeyako'obo' yéetel le meyaj u k'áat u beeto'ob.

-o0o-

**\*Comunicado de prensa traducido al maya.**